



БИЗНЕС БАСТЫ ДРАЙВЕРГЕ АЙНАЛСА ИГІ...

Қазір елімізде кәсіпкерлікті қолдау тетіктері жетерлік. Бір ғана «Бизнесің Жол картасы-2025» бағдарламасы аясында жаңа жұмыс орындарын құру және өңірлерде кәсіпкерлікті дамыту бойынша ауқымды жұмыстар атқарылып келеді. Бүгінде дүкен сөрелеріндегі Made in KZ деген белгісі бар тауарларды сатып алу да таңсық емес. Бірақ сарапшылар шағын және орта бизнестің өнеркәсіп драйверіне айналуына квазимемлекеттік компаниялар кедергі келтіруде деген пікірде. Тіпті, Мемлекет басшысы Қ.Тоқаев: «Бұл туралы көп айтылды, бірақ бұл бағытта айтарлықтай өзгерістер болған жоқ», – деп ескерту де жасаған болатын.

Біраз жылдан бері биліктің негізгі экономикалық нысанасы ШОБ-ты жаңа экономикалық драйверге айналдыру болатын. Осыған сәйкес елдің стратегиялық құжаттарында Қазақстанның ЖІӨ-дегі орта бизнестің үлесін 2025 жылға қарай 15 пайызға дейін арттыру міндеті көзделген.

Көктемде бекітілген «Орта мерзімді кезеңге арналған экономикалық саясатқа» сәйкес, кәсіпкерлікке қатысты негізсіз талаптарды азайту

үшін нормативтік-құқықтық актілерді қайта қарау жоспарланған. Құжатта бизнес пен мемлекеттің өзара іс-қимылын толық цифрландыру жоспарланған. Сонымен қатар шағын және орта бизнес өкілдері еңбекақы қоры мен салық есептік көрсеткіштерінің мөлшеріне қарай мемлекеттік қолдауға ие болмақ.

(Жалғасы 4-бетте)

ӨМІР ЖОЛЫ – ӨНЕГЕ

Бүгінгі сөз Жақып жайында. Кәдімгі Жақып Асанов. Жақсы жігіт. Жайдары. Жан шуағы маңайына төгіліп тұрады. «Қой асығы деменіз, қолыңа жақса – сақа тұт. Жасы кіші деменіз, ақылы асса – аға тұт» дейді біздің қазақ.



6
БЕТ

ҮЙ ЖИНАП, ҮЙІП АҚША ТАБАДЫ

Қазір адами құндылық та, сұраныс та заман талабына сай өзгерген. Табысы бар азаматтар үй тазалауға уақыт шығындағысы келмейді де, клининг қызметіне жүгінеді. Сәйкесінше, сұраныс бар жерде жаңа кәсіп көзі де пайда болған.



8
БЕТ

ТӨЛЕМ ТӨҢІРЕГІНДЕГІ ТҮЙТКІЛ


Тараз қаласында еңбек демалысынан шыққан ұстаздар шу шығарды. №28 мектептің мұғалімдері «тамыз айында істеген жұмысымыздың өтемің толық ала алмайтын болдық» деп шырылдауда. Олардың айтуынша, оқу ордасының басшылығы мектепте құрылыс жұмыстары жүріп жатқандықтан, ұстаздарға тек айлық жалақы төленетінін айтыпты.

7»



«КӨРШІ» ҚҰЛАДЫ, ТЕҢГЕНІҢ ХАЛІ ҚАЛАЙ?

Сонымен, осы аптада біздің қоғамды дүрліктірген кезекті бір оқиға болды. Ол біздің ел аумағынан тысқары өтіп жатқанымен, ел экономикасынан шет емес. Рубль қайтадан қатты құлдырай бастады. 14 тамыз таңертең Мәскеу биржасында доллар мен еуро тұрақты өсіп, 1 доллар 100,16 рубльге жетті. Бұл межеден ол 2022 жылдың 23 наурызынан бері алғаш рет асып отыр.



«ШОК ТЕРАПИЯ»: ЖОСПАРДАН ТЫС ШЕШІМ

Доллар/рубль жұбындағы текетірес тарихы Украинадағы соғыспен тікелей байланысты деуге болады. Нақтырақ айтқанда, ДХР мен ЛХР өздерін тәуелсіз деп жариялаған 2014 жылдан басталды. Оған дейін 35-40 рубльден аспай келген бағам 2015-тің басында 70 рубльге бір-ақ ыршиды. Содан бері бұрынғы калпына төмендеген емес. Ал бытыр ақпанда «арнайы әскери операция» деген желеумен соғыс бастал-

ған шақта ол рекорд көрсетіп, 1 доллар 124 рубльге дейін барды. Бірақ көп тұрақтамай бірте-бірте қайтадан тең жартысына 60 рубльге дейін түскен еді. Ол кездегі енсеруді сарапшылар Ресейдің 640 млрд долларлық резерві болғанымен түсіндірген-ді. Оның үстіне, Еуропа мемлекеттері Ресейге жаппай санкция салып, банк шоттарын бұғаттаған соң импорт азайып, соған сәйкес долларға деген сұраныс та аз болған.

(Жалғасы 4-бетте)

АРАЛАС МЕКТЕПТЕР АЛАҢДАТЫП ТҮР



Елімізде жыл сайын тіл мәртебесін арттыру жөнінде келелі кеңестер, жаппай жиындар өтіп, көптеген бағдарлама қабылданады, қыруар қаржы бөлінеді. Ал болашақ ұрпақтың мемлекеттік тілде білім алуына қаншалықты көңіл бөліп жүрміз? БАҚ беттерінде, әлеуметтік желілерде аралас мектептер туралы мәселелер аз көтеріліп жүрген жоқ.


5»

ҚАНДАСТАР НЕГЕ ОҚУҒА ТҮСЕ АЛМАЙДЫ?

Жыл сайын елімізге әлемнің әр түркінен мыңдаған студент келіп білім алады. Олардың арасында қандастарымыз да бар. Жалпы, қиырдағы қазақтардың тарихи Отанында білім алуы 1994 жылдан басталған. Сол кезде қандастарға білім беруге 2 пайыз арнайы квота бөлінді. Қазір квота саны жалпы мемлекеттік гранттың 4 пайызын құрайды.

6»





МАМАН ТАПШЫ САЛАЛАР ЕСКЕРІЛЕДІ

Мемлекеттік қызмет істері агенттігінің төрағасы Дархан Жазықбаев Президенттік жастар кадр резервіне кезекті іріктеудің ерекшеліктері туралы айтты.

Агенттік төрағасының айтуынша, үшінші рет өткізілген іріктеудің ерекшелігі мемлекеттік аппараттың салалық кадрларға қажеттілігін ескере отырып, максатты іріктеу жүргізу болмақ. Осылайша, кезекті іріктеу 6 негізгі сала бойынша жүзеге асырылады: инфрақұрылымды, өнеркәсіпті дамыту және сауда саясаты, агро-өнеркәсіптік кешен мен қоршаған ортаны қорғау, сыртқы саясат пен инвестициялар, экономикалық, қаржылық саясат, цифрландыру, сондай-ақ әлеуметтік саясат және азаматтық қоғам.

Сондай-ақ биыл үміткерлермен әңгімелесуді міндетті түрде салалық орталық органдар өкілдерінің қатысуымен өткізу тәжірибесі енгізілуде.

Талаптарға сәйкес, іріктеуге жасы 35-тен аспаған, жоғары білімі және 5 жыл жалпы жұмыс тәжірибесі бар, мемлекеттік тілді В1 деңгейінен төмен емес меңгерген ҚР азаматы қатыса алады.

Президенттік жастар кадр резервінің мүшесі болу үшін үміткерлер 6 кезеңнен тұратын кешенді іріктеуден өтуі тиіс. Бірінші кезең – резервке іріктеуге қатысу үшін кандидаттардың құжаттарын қабылдау. Ол биылғы 1-30 қыркүйек аралығында pkgezt.gov.kz арнайы ақпараттық жүйесінде және онлайн режимде жүзеге асырылады. Екінші кезең мәтіндік және сандық ақпаратпен жұмыс істеу

қабілетін бағалаудан тұрады. Тестілеу процесі аудио-бейне фиксациямен өтіп, прокторинг жүйесімен қадағаланатын болады. Үшінші кезең – ситуациялық тапсырмаларды шешу. Ол үміткерлердің таңдаған салалық бағыттарына байланысты ситуациялық тапсырмалар түріндегі нақты проблемаларды шешуге деген көзқарасын бағалауға бағытталған. Төртінші кезең – ассессмент орталығы мен құзыреттер бойынша сұхбат. Ассессмент-орталық Президент жанындағы мемлекеттік басқару академиясының базасында офлайн форматта өтеді. Ол мінез-құлық индикаторлары арқылы кандидаттардың бойындағы белгіленген құзыреттерді анықтауға және бағалауды көздейді. Бесінші кезең – сарапшы комиссияның кандидаттармен әңгімелесуі. Комиссия құрамына мемлекеттік органдардың басшылары тартылатын болады. Алтыншы, соңғы кезеңде Ұлттық комиссияның отырысы өтіп, Президенттік жастар кадр резервіне үздік 50 кандидат қабылданады.

Атап өту керек, 2019 және 2021 жылдары резервке алынған 350 адамның 264-і мемлекеттік органдар мен квазимемлекеттік сектор ұйымдарында жұмыс істейді, яғни жалпы санның 75%-ы жұмысқа орналастырылды. Олардың ішінде 128 адам орталық мемлекеттік органдарда, 38 адам жергілікті атқарушы органдарда, 57 адам ұлттық компанияларда, 41 адам өзге де ұйымдарда қызмет атқаруда. Сондай-ақ олардың қатарында 31 резервші саяси лауазымдарға, 6 резервші «А» корпусының лауазымдарына тағайындалса, бір резервист Мәжіліс Парламенті және 2 резервист мәслихат депутаты болып қызмет атқаруда.

ӘУЕЖАЙ ҚҰРЫЛЫСЫНАН НЕ ЖАҢАЛЫҚ?

Сыр өңірінің негізгі әуе қақпасы заманауи үлгіде бой түзеп, ел игілігіне пайдалануға берілетін күн де алыс емес. Бүгінде Б.Өтемұратов қорының ықпалымен «Қорқыт ата» әуежайында заманауи терминалдың құрылысы қарқынды жүргізілуде. Қызылорда облысының әкімі Нұрлыбек Нәлібаев осы терминал құрылысымен танысып, атқарылған жұмыстарға оң бағасын беріп отыр.



Жалпы, өңірдегі қазіргі әуежай терминалы жылына 137 мың адамға қызмет көрсетуге негізделген. Онда жолаушыларға барлық жағдай жасалған. Дей тұрғанмен, заман талабына сәйкес халықаралық стандарттарға сай жаңа терминал салу қажеттігі көп жылдан бері өздігінен сұранып тұрған болатын. Соған сәйкес жаңа терминал салу ісі жедел қолға алынды.

Жоспарға сәйкес, жаңа терминал 220 мың адамды қабылдауға арналған. Ал жүк тасымалдау көлемі 150 тоннадан 240 тоннаға дейінгі межені құрайды. Яғни, жаңа әуежай халықаралық стандартқа сәйкес келеді.

«Әуежай құрылысының жалпы құны 33 млн АҚШ долларын құрайды. Негізгі алаңы 7 500 шаршы метр болатын әуежайда екі қабатты телескопиялық трап жұмыс жасамас. Әуежайда жолаушыларға, оның ішінде мүгедектері бар жандарға да жағдай қарастырылған. Бұл тұрғыда эскалатор мен лифт қызметін іске қосу көзделіп отыр. Сондай-ақ жылдам әрі жайлы қызмет көрсету, өзін-өзі тіркеу бағандары, жүкті беруді өңдейтін автоматтандырылған жүйемен жабдықталмақ», – деп мәлімдеді облыс әкімдігі тарапынан.

Мәліметке сәйкес, заманауи әуежайға қажетті жеделсаты Финляндиядан жеткізіледі. Ал телескопиялық трапты Германиядан алғызыпты. Бір сөзбен айтқанда, құрылысқа қажетті құрал-жабдықтар түгелдей Еуропа елдерінен арнайы тапсырыспен алынады. Жеке меценаттың қаржысы есебінен бой түзген жаңа терминал өңірдегі бірегей архитектуралық стильдегі жоба саналады.

«Сыр елінің негізгі әуе қақпасы саналатын жаңа терминал заманауи сипатқа ие болуға тиіс. Бұл тұрғыда әуежай басшысына көр өкілдерімен бірлесіп, терминал құрылысына қажетті жұмыс-

тарды жүйелі ұйымдастыру тапсырылды. Ең бастысы, құрылыс нысанының сапасы басты назарда болуы тиіс. Құрылыс жұмыстары 2024 жылы толық аяқталып, халықаралық стандарттарға сай жаңа терминалдың игілігін көретін боламыз», – деп мәлімдеді өз кезегінде облыс әкімі.

Жалпы, «Қорқыт ата» әуежайында жылына 1 400-ге жуық рейс орындалса, жаңа терминал іске қосылған сәттен бастап бұл көрсеткіш 3 000-ға жетеді деп күтіліп отыр. Соған сәйкес тасымалданушы жолаушылар саны 500 мыңға дейін артады деп жоспарланған. Сондай-ақ терминалда жүк тасымалының да көлемі артатын болады.

Мамандардың айтуынша, озық технология негізінде іргесі қаланған нысанды түгелдей металдан тұрғызу көзделген. Жобаны түрік компаниясы әзірлеген. Ғимараттың сыртқы беті әйнекпен әрленіп, темірмен қапталмақ. Ең қызығы, аспаннан қарағанда жаңа терминал ұшқын құстың көрінісін бейнелейтін болады дейді жоба авторлары.

Негізінен, жолаушылар терминалының жаңа ғимараты қолданыстағы әуежайдың аумағында орналасқан. Ғимараттың бірінші қабатының биіктігі шамамен 8 метрді құраса, екінші қабаты 6 метрге жуықтайды. Сонымен қатар жолаушылар терминалынан тіркеу орны, жалпы күту залы, билет кассалары, қоғамдық тамақтану орындары мен намазхана, ана мен бала бөлмесі және трансферлік жолаушыларға арналған зал, дербес тіркеу тіректерін ашу көзделуде.

Қазір жергілікті әкімдік тарапынан нысанға қажетті инфрақұрылым жұмыстары жүргізілуде.

Ербақыт ЖАЛҒАСБАЙ,
Қызылорда облысы

АСТАНАДА АНАДОЛЫ КӨШЕСІ ПАЙДА БОЛАДЫ



Елордада бірнеше көшеге жаңа атау беру ұсынылды.

«№28/1 жобалық көшеге Азияның батыс бөлігіндегі түбек, қазіргі Түркия аумағының ортаңғы бөлігі Анадолия атауын беру ұсынылады. Бұл ұсыныс – Мемлекет басшысының Түркияға ресми сапары аясында берілген тапсырма. Түрік елінде де Қазақстанның ақын-жазушыларына берілген көше аттары мен ескерткіштер аз емес. Былтыр желтоқсанда Анкара қаласында ұлт ұстазы Ахмет Байтұрсынұлының ескерткіші орнатылғанын жақсы білесіздер», – деді Астана қаласы Тілдерді дамыту және архив ісі басқармасының басшысы Сәкен Есіркеп елорда мәслихатының отырысында.

Одан бөлек, спикердің мәліметінше, елордада Қорқыт ата көшесі пайда болмақ.

«Е33 жобалық көшеге түркі халықтарына ортақ ұлы ойшыл, жырау Қорқыт ата есімін беру ұсынылады. Бұрынғы Қорқыт көшесі Байқоныр

ауданында орналасқан болатын, алайда құрылыстың қарқынды жүргізілуіне байланысты ол көшеде де үйлер салынған. Бұрынғы Қорқыт ата көшесі небәрі 50 метрге ғана жуықтайтын көшеге айналған. Сондықтан қазаққа ғана емес, түтас түркі жұртына ортақ тұлғаның есімін Нұра ауданындағы жаңадан салынған көшелердің біріне ауыстырып отырмыз», – дейді ол.

Сонымен қатар басқарма басшысы елордадағы индустриялық паркте орналасқан бірнеше жобалық көшеге жер-су атауларын беруді ұсынды.

«Қазір осы өндірістік аймақтағы жобалық көшелердің аты болмаған соң адамдар картаға Уильям Шекспир, Леонардо да Винчи деген сияқты аттарды қолмен енгізіп, жазып қойған. Халық шынында да осы көшелер аталған шетелдік тұлғалардың есімімен аталған деп ойлап жүр. Сондықтан оларға еліміздегі тарихи жер-су аттарын беріп, картаға сол атауларды енгізу қажет деген шешімге келдік», – дейді Сәкен Есіркеп.

ЛАГЕРЬДЕГІ БЫЛЫҚТЫҢ БЕТІ АШЫЛДЫ

Жетісу облысының прокуратурасы 9 балалар лагерінің қызметіне тексеру жүргізіп, олардың жағдайы заң талаптарына сәйкес келмейтіні белгілі болды.

Ведомство мәліметінше, Текелі қаласындағы лагерлердің бірінде «Параноидты шизофрения» диагнозымен есепте тұрған медицина қызметкері анықталған.

Сонымен қатар Көксу ауданындағы «Қарлығаш» лагерінде санитарлық-эпидемиологиялық нормаларға қайшы, балаларға арналған азық-түлік ветеринариялық-санитарлық сараптама және қауіпсіздік сертификаттарынсыз сатып алынған.

«Балаларға арналған күнделікті тамақтану нормалары сақталмаған. Ас мәзірінде жана піскен көкөністерден жасалған тағамдар қарастырылмаған. Лагерлердің барлығында дерлік өрт қауіпсіздігі

нормалары сақталмайды. Алғашқы өрт сөндіру құралдары – өрт сөндіргіштер мен өрт гидранттары жоқ, өрт кезінде эвакуациялық жолдардың кедергісіз шығуы қамтамасыз етілмеген», – делінген хабарламада.

Кейбір лагерлерде мерзімі өткен дәрі-дәрмектер сақталған.

«Балалардың лагерлерде тұруы мен бос уақытын өткізу жағдайы да техникалық нормалар мен қауіпсіздік талаптарына сәйкес келмейді. Негізгі (ғимараттар, үйлер) және қосалқы (ас үй, жуынатын бөлмелер және т.б.) лагер ғимараттары тозған, күрделі жөндеуді қажет етеді. Алақол ауданындағы «Шағала» лагерінде ойын-сауықтыру кешендері мүлдем жоқ», – делінген ведомство таратқан ақпаратта.

Тексеру іс-шаралары жалғасып жатыр. Барлық анықталған заңбұзушылық бойынша прокурорлық қадағалау шаралары қабылданады.





ҮЙ ЖИНАП, ҮЙІП АҚША ТАБАДЫ

Қазір адами құндылық та, сұраныс та заман талабына сай өзгерген. Табысы бар азаматтар үй тазалауға уақыт шығындағысы көлмейді де, клининг қызметіне жүгінеді...

Көктем ҚАРҚЫН

ҮЙ ТАЗАЛАУ ҮШІН ДЕ КӘСІБИ БІЛІМ КЕРЕК

Ең алғаш рет клининг қызметі Англияда XIX ғасырда пайда болған. Кәсіби тазарту мамандарының бірінші тұтынушылары байлар мен ресми мекемелер еді...



кәсіби білім керек. Клининг қызметін ашамын деген адам ең бірінші жанына сенімді, еңбеккер команда жинай алуы тиіс...

Клининг қызметін бастауға көп қаржының қажеті жоқ. Клинингтік компаниялардың 3 түрі бар: бірі пәтер мен кенсе тазалауға бағытталса...



Сонғы жылдары елімізде клининг қызметі кеңінен таралып, табысты бизнестің түріне айналды. Нұрхан Нұрмаханбетов жоғары оқу орнында IT мамандығы бойынша білім алған...



РЫБАКИНА ШЕШУШІ МАТЧ ӨТКІЗЕДІ

Қазақстандық теннисші Елена Рыбакина (WTA рейтингінде 4-орын) АҚШ-тың Цинциннати қаласында өтіп жатқан турнирдің екінші айналымында латвиялық Елена Остапенкомен (20-орын) ойнайды.

Рыбакина мен Остапенко бұған дейін бір-бірімен төрт рет кездесіп, әзірге кім мықтыны анықтай алмай келеді — екі теннисші де екі реттен жеңіске жеткен, есеп — 2:2. Алайда Рыбакинаның соңғы екі матчта жеңіске жеткенін атап өткен жөн...

К.ЕСИМ

АЛЫСТАҒЫ ОҚУШЫЛАРҒА — АРНАЙЫ АВТОБУС

Әне-міне дегенше жаз маусымы аяқталуға жақын. Екі аптадан кейін оқушылар мен студенттер білім ордасымен қауышады. Алматыдай алып шаһарда ығы-жығы халықтың қайнаған тіршілігі қайта жанданады...



Алтынай БАУЫРЖАНҚЫЗЫ

Жоба бастауышы сынып пен мектептен шапалайда тұратын оқушыларға арналған. Оның аясында арнайы қоғамдық көлік арқылы оқушыны тұрғылықты жерінен мектепке және кері бағытта тегін тасымалдау қарастырылған.

Жоспар бойынша бірінші кезегте қаланың 7 ауданында орналасқан 30 мектеп таңдап алынды. Олар Алатау, Әуезов, Бостандық, Жетісу, Медеу, Наурызбай, Түркісіб аудандарында орналасқан.

Ал қауіпсіздік мәселесіне келер болсақ, әкімдік өкілдерінің сөзінше, автобус техникалық талаптарға, сондай-ақ, халықаралық қауіпсіздік стандарттарына сай келеді. Оқушыларға арналған автобуста қауіпсіздік белдіктері, апат кезінде шығу, өрт қауіпсіздігі жүйесі, мүгедектігі бар балаларға арналған пандус бар.

отырғызу уақытын, аядамалар санын дайындады. Бір балаға бір орын бөлінеді, тұрақты орын болмайды. Оқушылардың қауіпсіздігі үшін мектеп қызметкерлері жауап береді.

Әкімдік берген ақпаратқа сүйенсек, пилоттық жоба оқушылардың қауіпсіздік деңгейін арттыруға, яғни такси қызметін пайдаланатын немесе қоғамдық көлікпен қатынайтын балалар санын азайтуды қамтамасыз етеді.

Қызым Қарғалы шағынауданынан «Орбитада» орналасқан мектепке қатынап оқиды. Ол жакка №119 жағдарлы автобус жүреді. Өкінішке қарай, бұл автобуспен мектептен кешкінін қайту қиын.

«Мектеп автобусы» жобасы алғаш рет қала әкімі Ерболат Досаевтың тапсырмасы негізінде №205 мектепте пилоттық режимде басталған еді.

Алматы қаласы

МЕРГЕНДЕР — ІРІКТЕУ СЫНЫНДА

Әзербайжан астанасы Баку қаласында нысана көздеуден 53-ші әлем чемпионатының ашылу рәсімі өтті.



Қазақстан құрамасы барлық санатта жүздеген таласады. Құрама сапында барлығы 26 спортшы бар. Олар тапанша, Винтовка ату және жылжымалы нысана бойынша сынға түседі.



Меншік иесі — «Айқын-Литер» ЖШС

Директор — Ысқақ ЕГЕМБЕРДИЕВ

Бас редактор — Амангелді ҚҰРМЕТ
Гүлзина БЕКТАС — Бас редактордың бірінші орынбасары
Ботагөз МАРАТҚЫЗЫ — Шығарушы редактор
Асқар БЕК — Сайттың бас редакторы
Елдар ҚАБА — Секретарият меңгерушісі

АЙМАҚТАҒЫ ПІАШЛАЕР: Абзал АЛПЫСБАЙҰЛЫ — Ақмола облысы Саятхан САТЫБАҒАН — Жамбыл облысы Әдебиет БЕЛГІБАЙҰЛЫ — Қарағанды облысы Назгүл НАЗАРБЕК — Шымкент қаласы Роза ШӘКЕН — Солтүстік Қазақстан облысы Ермақыт ЖАҒАСБҰЛЫ — Қызылорда облысы Баян ЖАНҰЗАҚ — Атырау облысы

«АЙҚЫН» ГАЗЕТІНІң ЖАЗЫЛУ ИНДЕКСІ:

Кәсіпорындар, мекемелер үшін — 15102
Зейнеткерлер, соғыс ардагерлері үшін — 55102
Жеке жазылушылар үшін — 65102

ЖАРНАМА БӨЛІМІ:

8(701) 675-42-14, 8(7172) 72-95-31

reklama.aiqyn@gmail.com

ЖАЗЫЛУ ЖӘНЕ ТАРАТУ БӨЛІМІ:

8(771) 804-61-32

podpiska.alt@gmail.com

Газет аптасына 3 рет шығады

Газет «Айқынның» компьютер орталығында беттелді

ТАРАЛЫМЫ: 40 000

Тапсырыс №4338
Астана қ. «Медиа-холдинг «ERNUR» ЖШС
Сілеті көшесі 30,
тел.: 8(7172) 99-77-77
Алматы қаласы, «Алматы-Болашақ» АҚ
Мұқанов көшесі, 223 В
Шымкент қ. «ERNUR-print» ЖШС,
Әлімқұлов көшесі 22,
тел.: 8(7252) 53-06-66, 54-07-47 ішкі 114,

РЕДАКЦИЈАНЫҢ МЕКЕН ЖАЙЫ:

010000. Астана қаласы, Қонаев көшесі, 12/1
Байланыс телефоны: Астана қ. (7172) 72-95-46

aiqyn.kz.gazeti@gmail.com, aiqyn_nurmedia@mail.ru

• Редакция авторлар мақаласы мен жарнама мазмұнына жауап бәрмейді.
• Авторлар қолжазбасы өңделмейді және кері қайтарылмайды.
• Көлемі үш компьютерлік беттен асатын материалдар қабылданбайды.
• «Айқын» жарияланған материалдарды көшіріп немесе өңдеп басу үшін редакцияның жазбана рұқсаты алынған, газетке сілтеме жасалуы міндетті.

Кезекші редактор — Бердібек ҚАБАЙ